

# Universitätsbibliothek Wuppertal

## Davidis Ruhnkenii Opuscula Varii Argumenti, Oratoria, Historica, Critica

Ruhnken, David

Lugduni Batavorum, 1823

Dedicatio ex prima editione Lexici Timaei

---

**Nutzungsrichtlinien** Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-1660](https://nbn-resolving.org/urn:nbn:de:hbz:468-1-1660)

DEDICATIO

EX PRIMA EDITIONE

LEXICI TIMAEI.

---

PLURIMUM REVERENDO ATQUE ERUDITISSIMO

VIRO,

HENRICO GALLY, S. T. P.

CANONICO NORWICENSI ET GLOCESTRIENSI, RECTORI

SANCTI AEGIDII IN CAMPIS, MAGNAE BRITAN-

NAE REGI A SACRIS, ETC.

S. P. D.

DAVID RUHNKENIUS.

**Q**uadriennium prope est, cum Joannem Alberti, V. C. tum gravi morbo misere afflicto, pro arctissima, quae mihi cum eo intercedit, necessitudine ad Fontes Spadanos comitarer. Cujus itineris duplicem uberrimumque fructum me cepisse, non mediocri cum voluptate recordor. Nam primum, quid jucundius magisque exoptatum esse poterat, quam carissimum Musis animoque meo hominem corporis vires, quas atrox morbus abstulerat, salutarium aquarum usu recuperare? Deinde, quanta in felicitatis parte me ponere existimas, ibidem notitiam faustis auspiciis inter nos esse contractam? Profecto nunquam ille dies memoria excidet mea, cum casu et fortuito in Te incidens, ignotus in ignotum, nescio quem

de

de literis nostris sermonem inferrem; tuque statim oculis, vultu, oratione eum laudatarum artium amorem ac peritiam proderes, nihil ut aeque ardentem cuperem, quam ad intimam Tuam, si fieri posset, consuetudinem et familiaritatem admitti. Ac facilem mihi aditum reddidit sive obvia humanitas Tua, sive morum studiorumque similitudo. Ex eo tempore nullus temere dies praeteriit, quin, quoad licuit, in amoenissimis ad fontem Geronsteram xystis de divinis humanisque literis sermones inter nos haberemus. Tum vero in Te cognovi admirabilem quandam solidioris doctrinae copiam, nec vulgarem eruditionis omnis, quae Graecorum Latinorumque libris continetur, scientiam. Inprimis admirabar acerrimam, qua praeditus es, vim judicandi, optimis scriptoribus legendis confirmatam; quam magis etiam perspicere licuit, cum superiore anno Bataviam nostram invisens, per aliquot dies apud nos commorare. Quid autem dicam de singulari Tuo de literis praeclare merendi studio, in quo Tibi conferre possum paucissimos, antepone certo neminem? Non est, quod hujus rei argumenta repetam alius. Vel hunc Timacum testem cito, quem, nullo merito meo provocatus, cum Parisiis ageres, ex bibliothecarum latebris protractum, et quam fieri poterat accuratissime descriptum, mihi edendum concessisti. Ac tantum abest, ut hic aut studium literas juvandi Tuum, aut erga me liberalitas defecerit, ut subinde alias veteris aevi reliquias, tam ex Tua, quam ex publicis Angliae bibliothecis depromptas, non mihi tantum, sed et amicis meis, earundem literarum amore captis, prolixè suppeditaris. Plurimum sane

